



Universitätsbibliothek Paderborn

**Theologia Moralis Universa, Complectens Omnia Morum
Præcepta, Et Principia Decisionis Omnium Conscientiæ
Casuum, Suis Quæque Momentis Stabilita**

Ad usum Parochorum, & Confessariorum

Continens Tractatus De Virtutibus Moralibus, De Justitia Et Jure Et De
Contractibus

Antoine, Paul-Gabriel

Ingolstadii, MDCCXXXIII.

VD18 90392159

Cap. III. De Injuriis in corpus proximi per stuprum & adulterium & de
necessaria restituzione.

urn:nbn:de:hbz:466:1-40993

cuere damnum boni superioris ordinis per bona inferioris. Vide dicta, p. 2. cap. 6. q. 6.

Dixi, *hominis liberi*. nam pro vita animalis, vel mancipii, solvi debet, quanti vendi poterant: pro mutilatione vero, quanti minoris inde aestimantur; quia vita servi, & animalis pretio aestimatur; & sic ad æqualitatem compensari potest.

Q. 18. *An tenetur ad restitutionem, qui putans occidere Petrum, occidit Paulum, quem invincibiliter putabat esse Petrum?*

R. *Aff. Ex L. 18. ff. de injur. quia revera voluit iniuste occidere hunc hominem individuum, qui est re ipsa Petrus, quamvis putaret esse Paulum. Sive quia voluit iniuste occidere hominem, & re ipsa iniuste occidit hunc, qui est Paulus. Ita *Rebellus*, & alii. Unde non minus tenetur ad restitutionem, quam teneretur, si incendisset domum Titii, putans eam esse Caii.*

CAPUT III.

*De Injuriis in corpus proximi per stuprum
& adulterium, & de necessaria
restitutione.*

Q. 1. *A* **D** quid tenetur corruptor Virginis?

R. 1. *A* **E** *x communi, qui Virginem spon-*

R. 2 *tè con-*

re consentientem, & absque ullâ vi, fraude, dolo, importunitate precum, & promissione matrimonii vitiavit, ad nihil ei tenetur; quia scienti, & sponte consentienti, non fit injuria, ex Reg. Jur. 27. in 6.

Sed tenetur ad aliquam satisfactionem honorariam erga parentes puellæ adhuc sub patria potestate existentis, per signa doloris, submissionis, petitionem veniæ, &c. si crimen rescient. Ita Cajet. Navar. Valent. Rebell. & alii. cum S. Antonin. 2 p. tit. 5. cap. 6. ubi ait. *In foro conscientiæ, si deforat eam voluntariam, non tenetur ei, Patri autem tenetur, quia injuriatus est ei. Unde in aliquo satisfaciat, vel saltem eum placet.* Nam violavit jus custodiæ, quod habet circa illam Pater: Pater enim habet jus custodiendi, & tuendi integritatem corporis suæ Virginis. Item familiam decoravit. Quòd si ideo parentes majorem postea dotem conferre debeant Filiæ, ut nubat juxta suam conditionem, tenetur corruptor hoc damnum resarcire, cùm sequatur ex injuriâ à se ejus parentibus illata, sicque ipse sit causa illius injusta. Ita Azor, Navar. Valentia & alii multi.

Porrò tenetur mulier alere prolem à partu usque ad 3. annum. Ab anno tertio & deinceps ipse corruptor, donec proles possit sibi providere: imò ab ipso partu, si Mater non possit, vel ipse ad id se obligârit. Si verò duo eandem fœminam cognoverint, & dubitetur,

uter

uter sit Pater, uterque tenetur æqualiter hoc onus sustinere, cùm æquale sit de utroque dubium, & uterque certò posuerit actionem per se generativam. *Ita communis.* Quòd si hospitali exposita fuit proles, debent parentes ei restituere impensas: nam hospitale solum fundatum est pro pauperibus gratis alendis, non pro aliis, nisi suo sumptu. *Est communis sent.*

Resp. II. Qui vi, minis, aut fraude, vel falsis persuasionibus vitiavit Virginem, absque promissione matrimonii, tenetur compensare omnia damna Virginī, & ejus parentibus inde obvenientia: quia est illorum causa per injuriam: ergo tenetur ea resarcire pecuniā, vel eam duçere, si aliter resarcire nequeat. *Invitam,* & seductam si constupravit, injungendum est sibi, quòd satisfaciat ad arbitrium boni viri, vel cum ea componat. *Etsi promisisset eam ducere in uxorem, ut copulam ab ea extorqueret, servet promissum:* & hoc nisi nimis distans esset eorum conditio, putà mulier plebeia, vir nobilis, & potens: ait S. Antonin. loco cit. In foro autem externo in pœnam obligabitur ad eam dotandam, & ducendam, licet nuptias non promiserit, ex cap. I. de Adulterio.

Quòd si puellæ ejusque parentibus nulla obvenerint damna; quia res mansit occulta, & ipsa æquè commodis potita est nuptiis; stuprator juxta multos non tenetur, nisi ad satisfactionem honorariam, putà petitionem venia, &c. Quia nihil debetur pro ipsa defloratione

tione pudicitiae, cum sit irreparabilis, & pretio non estimabilis, neque pro alio damno inde secuto, cum nullum reipsa secutum sit.

Non pauci tamen probabilius docent pro solo damno Virginitatis injuste violatae fieri debere compensationem pecuniariam, vel aliam arbitrio boni viri: quia nempe damnum irreparabile in bono superioris ordinis compensandum est per bona inferioris ordinis, vide dicta p. 2. cap. 6. Quod si jam nupta damnum aliquod patiatur; quia res v. g. innotuit marito, &c. Certum est stupratorem teneri haec damna resarcire, cum ex ejus injuria sequantur.

Not. Metus reverentialis conjunctus cum metu mali injuste inferendi, sufficit, ut stuprator teneatur ad restitutionem, si nempe puella, vel alia mulier, ob auctoritatem sollicitantis, & ex reverentia erga eum, & metu patiendi aliquod malum injustum, non audeat resistere: nam licet talis metus non excusat a culpâ; facit tamen, ut consensus non sit omnino voluntarius, seu ut sit mixtus involuntario, nec sufficiat ad valorem donationis simili metu extortae: ergo retinerrationem injurie, ac proxinde damnum sequens est injustum, parique obligationem restituendi. Secus, de munieribus, blanditiis, quae non minuunt, sed potius augent voluntarium; item de precibus, quae non injiciunt metum mali injuste postea inferendi.

rendi, nec continent vexationem injustam,
De Lugo.

Resp. III. Qui promissione matrimonii mulierem corruptit, is tenetur eam ducere, sive verè, sive fictè promiserit. *Est communis*, nam si verè ex animo promisit, tenetur eam ducere: quia hæc promissio fuit verus contractus onerosus, sub conditione, quæ fuit impleta ab una parte: ergo altera tenetur illum ex parte sua compleere, cùm id licet præstare possit.

Quod si matrimonium fictè promiserit, ex communi tenetur adhuc illud inire: quia qui exigit aliquid ab alio per fictam promissionem, iniuste decipit, & facit iniuriam, violando ius, quod quisque habet, ne per deceptiōnem aliquid ab eo exigatur: ac proinde deceptor tenetur deceptionem injustam, ac iniuriam tollere eliciendo verum consensum, atque illo mediante veram promissionem facere, & factam præstare. Et alioqui infinitis fraudibus commercia humana paterent, & in illis esset inæqualitas. Deinde nemini sua fraus patrocinari debet, ut monent jura. Igitur non sufficit mulierem sic corruptam dotare, vel pecuniâ damnum resarcire, si ipsa non consentiat; nam ipsa non consensit in copulam, nisi ut seductori nuberet. Nec huic licet Religione ingred; quia non potest nisi matrimonio injuriam resarcire, ad quod ex justitia tenetur. Idem dic si animo facto cum ea per verba de præsenti contraxit, eo tantum fine,

ut eâ potiretur, ut docet S. Thom. in 4. dist.
28. a. 2. ad 4. Quamvis enim matrimonium
tunc sit nullum, tamen manet obligatio, eam
ducendi, si ipsa velit; ratione scilicet injuria
resarcendiæ; nec satis est pecuniam dare, cùm
in propria specie satisfieri possit; nam non
potest creditori invito unum solvi pro alio,
quod debetur, l. 2 ff. *De rebus credit.* quia ha-
bet jus ad id, quod sibi debetur. Excipiuntur
aliqui casus, in quibus stuprator non tenetur
corruptam ducere, etiamsi id verè promiserit;
sed tunc tenetur solum aliter, v. g. pecuniâ
damnum inde secutum compensare. 1. Si illa
finxit se virginem, nobilem, divitem, cùm
non esset: quia injustè decepit, & in injuriis
datur compensatio. Imò idem docent multi,
si ipse non ab ipsa deceptus falso putavit esse
virginem; quia hæc est sufficiens causa dissol-
vendi sponsalia, ideoque recedendi à promis-
sione, modò damnum aliter resarcitur. 2. Si
puella nolit ei nubere, vel parentes nolunt eam
tradere. 3. Si inde prudenter timerentur gra-
via mala, ut infelices exitus, graves discordiæ
inter Familias, grave scandalum, &c. nam
tunc mulier non est rationabiliter invita, mo-
do damnum aliunde resarcitur. 4. Si aliquod
impedimentum legitimum intervenerit, ut si
facros ordines suscepisset, quamvis illicite. 5.
Si foemina deflorata postea cum alio fornice-
tur: quia promittenti fecit injuriam, & ju-
stam dedit causam recedendi à promissione.

Idem

Idem censet Sanchez quoties supervenit mutatio, seu causa gravis sufficiens ad sponsalia dissolvenda. 6. Si facta fuerit promissio, & hanc fictionem foemina potuerit deprehendere ex verborum ambiguitate, aut aliis conjecturis claris, vel ex magna disparitate conditionis sibi notâ, ut si seductor sit nobilis, vel opulentus, & ipsa plebeia, & pauper. Ita S. Thom. in 4. dist. 28. a. 2. ad. 4. ubi ait non teneri ducentre. Si sit multò melioris conditionis, aut aliquod signum evidens fraudis fuerit. tunc enim puella seipsum stultè decepit, & sibi deceptionem imputare debet. Damnum tamen inde secutum resarciri debet, ut ipsa alteri sibi æquāli nubat, vel si nubere nolit, reponatur in statu honesto, ubi decenter vivere possit: quia promissio illa involuntarium aliquid effecit; nam puella, si certò fraudem novisset, non consensisset, & sic injuriam aliquam passa est.

Quòd si mulier disparitatem illam in nobilitate, divitiis, &c. ignorārit, & alter nuptias factè promiserit, juxta multos non tenetur etiam eam ducere, sed solum pecuniā satisfacere arbitrio prudentum, ut possit æquè honestè, ac commodè alteri nubere, ac si corrupta non fuisset, ut in dicat S. Thom. loco cit. quia seductor ratione injustæ deceptionis, solum teneatur ad restituendum, quantum foeminae intererat poni consensum illum, quem apprehendebat, & quem volebat pro sui corporis pretio: nam per hoc tollitur deceptio injusta

R. 5. mulie-

mulieris, & reponitur æqualitas. Ipsa autem non apprehendebat, nec petebat consensum tanti valoris, sed minoris; quia non cognoscet conditionem, ac dignitatem promittentis. Quem proinde consensum non potest deceptor reddere, nisi reddat simul multo plus, quam fœmina petiit, & quam ipse debet. Quare deceptor tunc solum tenetur reddere in æquivalenti, tantum pecuniæ dando, quantum sufficit, ut nubat viro æqualis conditionis; nisi tamen jurasset eam ducaturum, nec dispensationem obtinuisse; nam ducere teneretur non vi promissionis factæ, sed vi iuramenti, & reverentiæ Deo debitæ, ne Deus adductus sit in testimonium falsi.

Porro vir superioris conditionis, qui verè nuptias promisit, ad eas tenetur, nisi grave scandalum inde merito timeretur. *Sánchez, Azor, De Lugo, Lessius & alii.* Quia tunc jure suo cessit, & ratione promissionis veræ & acceptatae debitus est excessus, ad quem reddendum voluit se obligare. Et verò Sponsalia inter inæquales valent, & obligant: ergo multo magis erunt valida, quando in compensacionem fœmina sui corporis usuram concessit. Quare si aliam dicit, tenetur compensare, quantum fœminæ intererat habere ipsum invitum; cum tantumdem damni ei injustè intulerit; mulier enim per promissionem sibi factam, sub onere à se impleto, acquisivit Jus ad rem promissam tanquam ad aliquid sibi debitum ex Justitia.

Quod

Quod si mulier corrupta nolit nubere sedutori volenti promissum complere, is juxta multos non tenetur eam dotare, si sit æqualis conditionis, ex Reg. Jur. 41. in 6. imputari non debet ei, per quem non stat, si non faciat, quod per eum fuerat faciendum. & ex hac 66. ibid. Cūm non stat per eum, ad quem pertinet, quod minūs conditio impleatur, haberī debet perinde, ac si impleta fuisset.

Enimverò nuptias solum promisit, & mulier non habet justam causam aliud exigendi loco illarum. Sed juxta Panormit. Tenetur eam dotare, si foernina sit longè melioris conditionis, nec velit ei nubere; quia damnum, & dedecus illatum non resarciretur talibus nuptiis, sed novum inferretur. Quod verum est, si damnum, & dedecus familiæ inde sequeretur; nam mulieri non fuit iniuste illatum, si (ut suppono) sine vi, & fraude, sed sola promissione matrimonii adducta consensit in copulam, sciens inæqualitatem conditionis.

Sed quid, si is qui vera, vel ficta promissione matrimonii seduxit, aut stupravit, nec potest satisfacere nisi nubendo, habeat votum castitatis, aut Religionis?

Resp. Si votum secutum sit deflorationem, ex communi, tenetur ducere: quia jam anterat Jus strictum foeminæ acquisitum, & obligatio eam ducendi. Quare votum votum non

non potuit esse de non contrahendo hoc matrimonio, alioqui nullum esset, cùm sit de re illicita. Sicut invalidum est votum dandi pauperibus id, quod jam alteri debitum est ex Justitiâ.

Si autem votum præcesserit copulam, adhuc *juxta communem, aut saltem communiorem,* tenetur eam ducere; saltem post obtentam dispensationem voti, quam tenetur petere, si hæc votum ignoravit. **Quia** 1. *executio voti, non ineundi matrimonium, jam facta est ei illicita respectu talis mulieris, cùm fieri nequeat sine gravi eius iniuria.* 2. **Quia**, inquit De Lugo, obligatio voti provenit solum ex libera voluntate gratuita voventis, qui sibi imponit talem obligationem. Non potest autem aliquis velle se obligari tali genere obligationis in præjudicium Juris alieni, quia non potest ipse propria auctoritate alieno Juri derogare. Unde votum involvit hanc conditionem tacitam si potero implere sine præjudicio Juris alterius. 3. Si quis vovisset dare omnia bona sua pauperibus, si postea gravem iniuriam in bonis alteri inferret, teneretur restituere per bona voto promissa pauperibus. 4. Tunc potest, & debet petere dispensationem voti, seu dilationem executionis eius: quivis enim tenetur adhibere media licita necessaria ad actum Justitiae exercendum. Si tamen fœmina scivisset votum, tunc corruptor non tenetur eam ducere: quia illa non bona fide contra-

xit

xit, cùm videret eum non posse licitè nuptias promittere; nisi forte ipse ei persuaserit se facile obtenturum dispensationem, quo casu tenetur eam sibi comparare.

Quid dicendum de seductore mulieris non Virginis?

Resp. Patet ex dictis. Itaque qui viduam honestam, vel mulierem ab alio corruptam, sed quæ passim virgo habebatur, promissione matrimonii etiam simulata seduxit, tenetur eam ducere, si ipsa velit: nam hæc promissio facta est in modum contractus, do, ut facias: cùm mulier det sui corporis usum, ut ille promissa perficiat. Quòd si fictè promisit, adhuc tenetur: quia tenetur tollere deceptionem, & injuriam illatam. Si autem vi, aufraude sine tali promissione seduxit, tenetur antè sententiam judicis damna inde secuta compensare, cùm sit iniusta illorum causa.

Q. 2. Ad quid tenetur, qui sub promissione matrimonii consanguineam violavit?

Sic respondet De Lugo, Si impedimentum sit tale, in quo Papa nunquam soleat dispensare, ut inter consanguineos in 1. Gradu transverso, vel certè in quo non soleat dispensare, nisi ex gravissima causa, qualis tunc non datur; tunc promissio est invalida propter impossibilitatem rei promissæ: ac proinde solum erit obligatio satisfaciendi, & resarcendi damnum

alio

alio modo, si quod iniuste illatum est; quod non contingit, quando fœmina non fuit decepta, nec vi aut metu coacta. Si vero impedimentum est tale, in quo dispensari soleat ex causa, qualis tunc intervenit, & matrimonium promissum fuit sub conditione dispensationis; tunc promissio illa obligat ad procurandam dispensationem: quia totum id, quod promittitur, licitum est, & possibile, nempe procurare dispensationem, & eā obtentā matrimonium contrahere. Imò idem censet, etiam si promissio matrimonii facta fuerit sine illa conditione; modo uterque impedimentum noverit: quia conditio dispensationis utpote necessariæ subintelligebatur: nam conditio, quæ de jure necessaria est ad valorem actus promissi, semper subintelligitur in ipsa promissione: taciti autem, & expressi eadem est vis. Porrò si quis consanguineam per vim, metum, aut fraudem absque promissione matrimonii corrupit, tenetur resarcire damna illata, & secula: quia fuit iniusta causa illorum, copulam obtinendo per iniuriam. Quòd si aliter damnum resarcire non potest, nisi eam ducendo, tenetur sibi dispensationem procurare, ut eam ducat; nam qui tenetur ad damnum illatum resarcendum, tenetur adhibere media ad hoc necessaria. Ita De Lugo,

Q. 3. Ad quid tenentur adulteri?

*Resp. I. Si partus non sit secutus, adulteri
juxta*

juxta multos tenetur solum ad satisfactionem honorariam marito praestandam pro injuria ei illata: quia pro injuria ab omni damno separata non debetur ex justitia, nisi satisfactio per signa doloris, & submissionis, ut petitionem veniae, &c. Quae tamen locum non habet, cum injuria ignoratur; nam satisfactio honoraria non sit nisi scienti se injuria affectum, cum consistat in placatione animi justè offensi. Unde non est exhibenda marito, nisi injuriam nōrit, & eam cupere putetur.

Resp. II. Si proles ex adulterio nata sit, tenetur adulter prolem alere ab anno tertio, & deinceps, donec sibi de alimentis providere possit: à partu ad tertium annum inclusivè ipsa mater, ex cap. 2. de *Convers. Infid.* in defectum matris tenetur pater, & vicissim.

Resp. III. Adulter, & adultera tenentur æquè primum, & ex aequo compensare damna, quæ obveniunt marito, & legitimis hæreditibus, ex sustentatione, hæreditatis partitione, & legatis, donationibus proli spuriæ factis à consanguineis patris putativi, vel matris, in damnum legitimarum prolium, quibus aliqui cederent. *Est communis*, quia uterque est æquè principalis causa injusta horum omnium dannorum: nam uterque posuit actionem in justam, ex qua sequitur generatio prolis, ac deinde omne tale damnum. Et ad id tenentur singoli in solidum ex alterius defectu, ex cap. ult. de *injur.* *Si culpa tuâ datum est* *dam-*

: 272

num, vel injuria irrogata, jure super his satisfacere te oportet. Idque ex communi, etiam si adulter suppositionem non suaserit: quia nihilominus est æquè primò causa horum damnorum, ac adultera; nam cùm generatio prolis in muliere conjugatâ sit vera causa deceptionis ac suppositionis, & ad actionem generativam injustè uterque æquè primò concurredit, uterque est æquè primò causa damnorum inde evenientium.

Neque refert, si alteruter alterum ad adulterium induxit sine vi, & dolo: nam consulens ut consulens non est damni causa principalis respectu exequentis. Uterque autem executioni mandavit causam damnorum nempe adulterium. Si tamen alteruter vim, aut metum gravem etiam reverentiale incussisset, hicteneretur de omni damno: nam esset solus causa principalis adulterii, & consequenter damnorum ex eo secutorum. Alter vero teneretur solum in ejus defectum, cùm sit causa minus principalis, ut potè minus voluntaria, nec posuerit causam damni, nisi per injuriam à priore sibi illatam compulsus.

Resp. IV. Si probabilius sit prolem ab adultero esse genitam, tenentur adulter, & adultera compensare omnia damna; nam tunc non possunt prudenter negare esse suam, ideoque se obligari ad compensationem damnorum, & utrumque prudenter judicare possunt.

Sed

Sed quid si dubium sit, utrum ab ipso adultero, an à marito proles sit genita?

Resp. Tunc tenentur adulter, & adultera restituere marito, vel ejus hæredibus, pro ratione majoris vel minoris dubii, judicio prudentum. *Ita Molin. Rebel. Layman & alii.* quia uterque est causa injustâ periculi pretio æstimabilis, quod subit maritus prolem alienam tanquam propriam alendi. Secundò iniquum est, ut in dubio damni totum illius periculum subeat innocens, & causa injusta talis periculi, quæ posuit actionem de se damnificativam, sic omnino libera.

Obj. 1. In dubio nemo spoliandus est res sua, & melior est conditio possidentis.

Resp. Hoc axioma & què imò magis favet marito, quam adulteris: nam ille est in possessione suorum bonorum, quibus in dubio non debet spoliari, & insuper ei certò facta est injuria de se danni illativa. Spoliaretur autem in dubio, si deberet bona sua impendere ad alendam prolem dubiam: nam quamdui dubium est, an proles sit ab ipso, an ab adultero genita, dubium quoque est, an ipse, an adulter teneatur illam alere; neque enim tenetur maritus alere nisi suam prolem.

Obj. 2. Proles in dubio, an sit legitima, debet præsumi legitima: nam ratione matrimoni est in possessione sua legitimatis, qua non debet privari ratione dubii.

Resp. Proles debet quidem tunc in foro ex-

Tom. II.

S

terno

Sed

terno præsumi legitima, & habet etiam in foro interno jus dividendi hæreditatem cum legitimis. Sed quia in hoc dubio manet marito periculum certum damni subeundi, in quod adulteri eum injustè conjecerunt, hi tenentur hanc injuriam pretio æstimabilem resarcire. Et præsumptio illa est solum in gratiam prolis innocentis.

Q. 4. Quomodo tenetur adultera damna compensare?

Resp. I. Adultera tenetur, quantum fieri potest citra famæ jacturam, & vitæ periculum, procurare, ne quid damni maritus, & legitimi hæredes ratione prolis spuriæ patientur. *Est communis,* quia si omnibus modis, quibus potest, non caveret damnum marito, & hæredibus, iis inferret injuriam, cum posuerit actionem injustam damni illativam. Hinc si habeat bona propria, tenetur ex illis damna compensare. Sinon habeat, tenetur rem familiarem diligenter administrare, de cultu corporis sui & sumptibus solitis propriis detrahere, quantum potest, spectata conditione statutis, valitudine, &c. Item relinquere in morte solis legitimis tantum ex bonis, de quibus liberè disponere potest; & juxta multos religiosum statutum spurio suadere, si ad eum idoneus videatur.

Resp. II. Si hisce modis plenè potest damnum compensare, non tenetur revelare crimen

men suum: nam tunc nullum damnum inde sequitur legitimis hæredibus. Si vero non potest, nec judicat prudenter illud impeditum iri, si detegat crimen suum, tunc nec tenetur aperire: quia imprudenter, & frustra aperire. Imò etiamsi judicaret posse averti damna hæredibus, per illam revelationem, non tenetur crimen suum occultum revelare, cum periculo mortis, vel gravis scandali, discordiarum, perpetui odii mariti, infamiae totius familie, vel propriæ saltem publicæ, si non sit suspecta, vel alterius mali multò gravioris, quam sit damnum hæredum. *Est communis.* Prob. I, ex cap. 9. de Pœnitent. Ubi Innoc. III. consultus de quadam muliere, quæ partum sibi supposuerat, ne bona mariti ad alios devolverentur, effétne absolvenda, cùm crimen suum marito timeret detegere; respondet Pontifex. *Sicut mulieri, quæ ignorantे marito de adulterio prolem suscepit, quamvis id viro suo timeat confiteri, non est pœnitentia deneganda: ita nec illi debet pœnitentia denegari... sed competens satisfactio per discretum Sacerdotem ei debet injungi.* Ergo non tenetur cum tali metu crimen detegere, si enim teneretur, & nollet, non esset capax absolutionis. 2. Quia tunc maritus, & hæredes non sunt rationabiliter invitati; & tunc restitutio censetur moraliter impossibilis.

Si tamen mulier sciret spurium esse valde bonum, ac prudentem, & sibi fidem habitu-

rum, & hæreditati cessurum, nec crimen ejus
revelaturum) quod vix & rarissimè præsumen-
dum est) teneretur illud ei detegere: quia in-
famia nocentis apud unum, aut alterum post-
ponenda est gravissimo innocentium damno,
cujus est causa iusta; ut patet ex eo, quod
juxta communem liceat grave peccatum alte-
rius occultum aperire tertio, ad avertendum
grave damnum ei ab illo altero impendens.

In praxi tamen ordinariè non est obliganda
adultera ad crimen suum aperiendum, sive
marito, ob gravia mala inde obventura, qua
ordinariè imminent: sive spurio; quia hæc
revelatio est ordinariè inutilis ad avertendum
damnum: nam Filius juxta communem, non
tenetur credere Matri juranti eum esse spu-
rium, nisi id probet certis argumentis, ut si
tempore conceptionis, & ante, & post ostendat
maritum absentem fuisse, &c. Nam qui
nascitur in conjugio legitimo, censetur esse le-
gitimus, nisi contrarium ostendatur.

Not. Quæ dixi de adultera, & Filio spurio,
dicenda sunt de Filio supposititio, quem mulier
supposuit, ac finxit esse suum, ne hæreditas ad
alios transeat, nam injuria his facta est,
quæ eodem modo tolli, vel resarciri
debet.

CA.